

Gobierno ta reconoce un gran yiu di tera cu a fayece

Ovito Tromp cu a sostene y aporta grandemente na actividadnan cultural y social

ORANJESTAD (AAN): Dialuna Minister Otmar Oduber a ricibi e tristo noticia cu un otro baluarte di Aruba su cultura, a bay laga nos, Sr. Ovito Tromp, na edad di 64 aña. Sr. Ovito Tromp a dedica hopi tempo valioso den su tempo liber na proyecto- y otro programan na bienestar di nos hubentud. Na aña 1979 el a drenta den e directiva di Centro di Bario Noord (CBN) y for di 1985, e tabata presidente. Bou di su liderato dinamico Centro di Bario Noord a sa di realisa hopi proyecto..El a percursa pa renovacion di e dak di e edificio di Centro di Bario Noord (CBN), a construi un di dos local destina pa crèche "Chikitin Bin Bin". E edificio di crèche "Chikitin Bin Bin" a resulta di ta chikito mirando e demanda cu tabatin pa kinderopvang

na Noord y asina aki amplia esaki den corto tempo despues bou liderato di Sr. Tromp. Sr. Tromp tabatin tur cos di haci cu e Ball-Park nobo di Centro di Bario Noord, cu tur su facilidadnan correspondiente, entre tant un di e veldnan mas popular di baseball y softball. Tambe el a realisa e proyecto di "Parke di Recreo Noord", hardin di hunga banda di e edificio di Centro di Bario Noord. Proyecto cu tabata semper e deseo di Sr. Ovito Tromp, tabata e apertura oficial di CBN den aña 2002. Riba tereno cultural tambe Sr. Tromp tabata hopi activo y popular. E tabata miembro di e Coro di Misa "Coro Santa Anna" for di 1980 y como un tocado talentoso di mandolin e tabata guia e Coro no solamente tur dia-domingo of dianan santo, pero tambe riba dianan fes-

tivo, manera na inicio di e Status Aparte di Aruba riba 1 di januari 1986, na ocasion di e bishita Real na aña 1989 na "Imelda Hof", na Noord y riba dianan nacional festivo y otro ocasionnan particular.

Sr. Tromp tabata dirigente y musico di e grupo folklore "Tipico Noord" di cual grupo e tabata mantene nos balor y tradicion cultural, durante henter aña y fin di aña, bishitando conocir- y amigonan pa deseanan e bon deseo di un cambio di aña, nos fiesta tradicional y tipico Arubano, nos "Dande".

Aruba a perde un pionero riba tereno cultural folklorico.

Minister Otmar Oduber ta expresa palabra di condolencia na e yiunan, famia, amigonan y henter Aruba cu e fayecimento di Sr. Ovito Tromp sosega na paz.